

問行品

諸弟子等上白師尊言衆生各有緣品及諸大士男官女官等如弟子惟忖今聖非過去聖師廣演次第即元陽昇仙大法演大義經諸法衆聖男官女官外契內契我於過去諸仙男女得大莊嚴神通明了曾見此瑞放斯光明即說大法是故當知師尊現示變化廣演言教神通第二一切諸法亦復如是故令弟子等咸得聞知一切世間難信之人故發斯瑞諸男官女官等若過去無量無邊不可思議劫時有一王名大相燈清淨法王應化八萬四千地其地平整歡樂饒人無有山河沙石溝坑原陸堆阜其城黃金爲壁水銀爲池真珠玉室瑠璃華寢連綿四百餘里人民慈善有一弟子名大法林廣聞諸法明慧具足超登无上化導天人其義不雜其音巧妙具足明白五通之相說法利益度脫衆生了一切法空是爲真人與上六神王俱次得道元陽上品真人第二能成就一切道智次復

有一弟子名常精進行相大士名曰明如長相是人曾於二十二身得生文昌宮由以宿植德本靈智自天稟化玄風養訓妙法積福具備證果九天獲慶將來得降太清凝神天府功德彌厚靈嶽真府仙官授手其所習說紫陽仙公太清圖品應爲第七未出家時有一大士智慧具足其所祖述紫陽爲師而每勤學神仙元陽爲上天圖仙品其人能知初仙中仙下仙初善中善後善其義深遠最後仙真人未出家時有八從弟子一名見林二名珍林三名意林四名表林五名善林六名樂林七名寶林八名除疑林是人而繫名天宮元陽上品具足智行備五神通威德自在各領天人初出家時思惟樹下棄捨高位發大慈心東意迷逝常修真行皆爲仙伯於千萬歲後所植諸善悉皆成就夜半子時建剛仰北斗魁中紫微文昌忽然而開但見太上老子乘雲青龍而下下則青馬也謂其人曰是何真賢時老子答言吾是東海小童李元真人天慶會遣我來下化子林大士後能演

无量義經開敷元陽神仙第二天花覆其上普化世界種種震動爾時會中有一真士厥年十二上白師尊曰如我大衆得未曾見今歡娛喜樂長跪端心觀師尊所說善辭巧妙善喻方便能放光明普照一切令其會中蒙得開明所爲因緣照明元陽上品仙聖大品天人之界其土清淨得未曾有故使百千萬歲中衆生永安大福條林法靜真人曰吾師說元陽上品以來曾經六十小劫不起于座今欲攝應歸本正月七日當還天宮慶集天人汝等若有一人二人乃至十人於我去後能宣傳妙法勸化衆生皆當往生元陽品中莫得懈倦六十小劫天人並位齊心受記乃告諸大士等得條林法靜真人言今當慶會天人其人去後妙元林與光妙林應達五通廣習神仙利經記當得淨惠開悟衆生號曰淨惠度真人授記已便於壬辰年正月七日忽然去矣元陽淨惠度林真人者生於琛妙玉宮其先代積行勤心翹念就讀真經每習仙記常所祖述太一元官其所修學太一

仙經八百卷其中廣演言教化度眾生說妙林仙記八千卷滿八十小劫不起于座為人演說有八弟子一名晃林二名妙林三名教林四名聖圓林五名燈香林六名樂林七名度林八名化林是八弟子皆有明行於元陽上品第三弟子也處臺樹園田廣林樹下有成仙品者名曰伯皇真人求在左右通利誦典廣演諸經宣暢至品曾於大衆過去之世經六十小劫其眾嚴敬演教度一切無數今入元陽上品初出家時有三弟子見神大聖諸仙隨從說此經中无量種義諸天人當廣分別吾當說此時即於天上玄坐虛空中八十小劫下觀汝等廣演言教昇入无量品天香寶蓋天龍仙王供養人中一切諸仙世界嚴淨其土如脂多諸寶樹名獅子象王官即時種種天人神響震動淨惠度林其人放神通光明見諸希有之相悉見彼土一切人民其土清淨真珠為地黃金為城白銀為壁瓊瑤為室黃青赤繩連綿其中瑪瑙界側水精為殿白玉為樓處處行樹園林臺榭清淨

蓮池花果茂盛一切眾生受樂其中連綿相續四十餘里天光普照眾寶莊嚴瓊瑤玻璃內外朗徹不由日月諸仙供辦儲儲飲食自然天廚供具儲儲彼有天人明淨第一出乘雲車駕龍神虎飛鳳嘯歌四面總鈴八方安施自然伎樂身色光明如金寶山端嚴奇妙如淨瓊瑤內外圓滿次一大士服名辨惠度厄真人所從弟子皆得昇天太一官府開度無數因我光明飛行自在悉見大衆諸仙山林精進大士持戒符妙靈仙品猶如明珠有一弟子名莊妙林其人修行常在山林精進持戒淨行施惠忍辱元陽仙品有一弟子名大智藏入深妙定身心寂滅廣智定慧次一弟子名妙梵林智法深曠寂滅神智不動各於其國說法上品次一弟子名大梵林現大神通其心歡喜四部弟子廣演言教各各相問元陽仙品次一弟子名觀梵林好樂至道天人所尊三界第一能讚諸仙世間希有次一弟子名真妙音廣知一切天人所趣歸信大行能奉至業次一弟子名寶玄林玄智

虛空照明仙記每讚陰陽廣演言教慶集天人妙光世度次一弟子名智慧深智慧五通滿八十小劫能開世教不起於座所說上品妙奧難測號曰月光无上仙師次一弟子名寶妙林天人並悅諸法實相已為汝說於中長短十月五日歸還天宮語諸弟子言汝等一心精進當昇天宮號曰太清天人如是弟子皆是元陽仙品神通无碍淨惠度真人說是既已語諸弟子言自吾與子仙紀斷絕慶會天宮有何隔乎吾至十月五日當還天宮上命甚速言會非常於是真人還以此月十五日日中之時與諸眾仙雲車羽蓋侍從八千萬人飛仙天仙无量聖眾乘之而去元陽度太清天人從无著玉官乘三世界安摩而起告諸弟子曰吾受真人智慧甚深无量智慧見生智慧門五神洞朗諸根猛利饒益眾生一切世間難解難了難入一切天人所不能及所以者何吾曾親近百千萬億无數真人大大士盡行无量大道勇猛精進名稱普聞成就甚深得希有法藏靈天圖仙官授法下

化三界隨宜啓導吾徒成真人以來種種因緣種種譬喻廣演言教無數方便引導衆生今離諸著所以者何吾之方便知見深遠皆以具足百姓子人我太上先師其智廣深遠无量無邊无所畏憚心定解脫深入秘藏知見元際成就一切未曾有法皆至天宮大妙仙國元陽上品大仙寶經種種分別巧說諸法言辭柔軟悅可衆心百姓子等取我要言之法无有限量承我所說悉皆成就不可思議子等不須復說何以故我所成就微妙第一義趣難解唯吾上師乃能分別諸法深奧不能究盡吾今有如是相有如是性如是體如是力如是作如是緣如是因如是果如是報如是本末盡等究竟爾時天人授記與信行善男善女一切咸使聞知悉皆開悟及天老玄淨王少子其先自出慰田王官其所祖述大寶為上甚所修習太清經八千卷能廣演言教六十小劫不起于塵本從元數具足諸行甚深甚妙難見難了有從弟子三人一名玄妙真人二名證果真人三名明智真人

然此弟子有大聖行能說法元陽仙品千日千夜不起于塵次一弟子名真梵林諸根極利甚深微妙行此諸品還得成果我以悉知如是大果元陽功德次一弟子名大梵林種種方便我及十方諸餘衆生悉能演化開悟暗冥次一弟子名真淨林其人智慧信力堅固及諸弟子煩惱漏盡住是最後悉皆昇天太上仙宮依位各處

太上靈寶元陽妙經卷之四

太上靈寶元陽妙經卷之五

觀行品上

五

爾時東方玉寶皇上天尊於空歌國土清淨世界與其神仙眷屬飛天神王至真大聖衆八萬四千徒侶俱會香林七寶樹間演說元陽上品觀行妙經為諸衆生作大福田曉悟深疑令知妙道善男子應當發心願念遵行四種修學之法作是語已時衆之中有一真人名曰靈華整頓衣冠手執香爐長跪白言宿因有幸得遇威光過泰之歡實為慙悚今聞演說元陽秘藏甚深義味不可思議云何天尊答曰善男子四種修學之法一者從師受與元陽經典二者從善知識開道深疑三者思惟玄義得苦空法四者修行精進志願成道善男子當知四種之業親近明師尋知識請說玄義得解疑難真人應知思其四種修學之法復次善男子身口意業有四種惑何等為四一者貪惑二者癡惑三者淫惑四者嗔惑善男子修學大乘經典求自然果者應當捨除如是四種惑法云何貪惑所謂